


—EY 310.218  
42  
5

馬關縣志


惺庵題簽

卷伍  
兵畧  
緒言




二十二年徵集之書





馬關縣志

周鍾嶽題





馬關縣志卷伍

徵集之書  
兵畧志

龍陵張自明輯

古者寓兵於農無事則為農有事則為兵意至深也故兵出力以保民民出食以養兵兵與民相需並重况吾滇地處天末吾邑又地近陵岡苟非設備周詳不足以禦外侮而靖內紛尚願我邦人發奮為雄急起直追不難轉弱為強鞏固無虞矣志兵畧

兵制

師旅考

馬關縣志

卷伍 兵畧志

雲南德生石印代印

綠營兵制

安南紀畧

軍事緒言

馬關大事記



兵制 兵畧志之一

漢制刺史郡守皆典兵武帝置犍為郡又置西夷都尉後平西南夷置牂牁越雋二郡以益州刺史領之

三國漢昭烈帝初設庾隆都督改益州為建寧郡後主分建寧永昌更置雲南郡又分建寧牂牁為興古郡以庾隆都督經南中郎將總其兵

晉武帝初分益州之建寧興古等郡為寧州又罷寧州入益州置南夷校尉成帝時分寧州置安州又置護南蠻校尉皆以太尉司徒大將軍大都督運領之

馬關縣志

卷伍 兵畧志

隋文帝初置昆州後置益州總管領其兵

唐高祖初仍為昆州後置檢校南寧都督寄治越雋太宗置首領大將軍高宗初置郎州道行軍總管後又置姚州都督於昆明弄棟川元宗始置劍南節度使領兵事遙制之後為蒙氏竊據

宋太祖以玉斧分疆後悉為段氏據兵制無考

元世祖初置元帥府及總管分南北中三路又分中慶路為三十七部並設阿楚萬戶及捨資千戶尋改安南道防送軍千戶及強現三部王弄山大小二部諸管兵官



明太祖初設臨安衛指揮使司領捨資千戶所又設臨安兵備道督衛所諸土司兵

清順治十七年設臨元鎮總兵官教化王弄安南三長官司皆隸焉

康熙六年設開化鎮時沙定洲餘党王朔等叛吳三桂帥師勦平因置鎮於開化並設府治

營制總兵官一員轄中左右遊擊三員守備三員千總六員把總十二員馬戰兵二百四十名步戰兵九百六十名守兵一千二百名

馬關縣志

卷伍

兵畧志

二

雲南德生石印代印

乾隆元年以開化鎮兼轄廣羅協廣南營鎮標兵制仍前八年裁三營馬步兵五十名

十九年改左右遊擊為都司

統轄兵二千三百四十一名內防兵一千一百一十五名駐紮各汛

其在馬關界者三里三汛逢春里馬白汛距街二里駐防左營把總一員協防山車外委一員額兵一百五十一名設九塘每塘兵三名設十六卡每卡兵五名

永平里八寨汛馬關縣西距署一百二十五里駐防左營把總



一員協防箐口外委一員額兵一百二十六名設六塘每塘兵三名設九卡每卡兵五名

東安里牛羊汎馬關縣東距署一百二十餘里駐防中營把總一員協防天生橋外委一員額兵一百二十六名乾隆四年新添馬達汎磨山汎兵一百五十名設十四塘每塘兵三名設十九卡每卡兵五名惟和覽一卡設外委一員兵二十名

文山界江那汎駐中營把總一員協防六詔外委一員額兵一百五十七名設大路八塘每塘兵五名小路八塘每塘兵三名老寨汎駐防右營把總一員協防麻栗坡外委一員額兵一百

馬關縣志

卷伍 兵畧志

三

雲南德生石印代印


二十六名設十塘每塘兵三名設五卡每卡兵五名

附土練

乾隆八年沙匪侵交趾邊地詳請安設土練三百四十名內設逢春里猛忙猛謎白果列別憂基阿腊下天生橋魯那羅却多羅法支筆小卡法支筆大卡小馬白汎房脚碑亭新卡木都迭城子翻山箐翻山箐口保妹清水河慢銃董牛阿拉奄拉奄昆二十六卡上練一百六十五名東安里威竟老虎跳和覽天生橋大營天生礮中卡天生礮河邊南謎老岩老岩田房上藤礮南外對河灣子下藤礮八隘傑八寨老寨偏垣鎖口山馬達馬



馬南歐牛羊坪桂皮樹牛羊坪坡頭南滾路口三家坡嶺二十  
六卡土練一百七十五名乾隆十年裁土練一百七十名仍留  
一百七十名在樂音里新現甲永平里填洒沿河邊界協同官  
兵防禦十四年裁新現土練九十五名仍留七十五名設十五  
卡每卡五名駐永平里填洒河邊





師旅考錄開化志兵畧志之二

漢昭帝元始五年遣軍正王平大鴻臚田廣明等並遣廣明封  
昫町侯共引大兵入滇斬捕五萬餘級

成帝河平二年夜即王興昫町王禹漏卧侯俞舉兵相攻遣大  
中大夫張匡持節解和興不從命大將軍王鳳從杜欽言薦蜀  
郡陳立為牂牁太守從吏數十員行縣至且同亭召興至斬之  
衆遂釋兵俞禹皆震恐降興妻父翁指與興子邪務收餘衆迫  
脅二十二邑復反立諸夷與都尉長吏分將攻之時天大旱絕  
其水道蠻夷共斬翁指持首出降至王莽時昫町侯第承殺牂

馬關縣志

卷伍 師旅考

雲南德生堂印代印

柯大尹周欽州郡擊之不能服三邊蠻夷盡反莽遣平蠻將軍  
馮茂發巴蜀捷為吏士擊益州出入三年疾疫死者什七莽徵  
茂還誅之更遣竇始將軍康丹庸部牧史熊大發天水隴西騎  
士廣漢巴蜀捷為吏民十萬人擊之始至願斬首數千其後軍  
糧前後不相及士卒飢疫三歲餘死者數萬人不能尅而還

後漢安帝元初五年益州及蜀郡諸夷皆叛應封離至十餘萬  
道中即將尹就發蜀漢兵討之與蠻戰敗封離等乘勝破二十  
餘縣焚掠百姓千里無人帝徵就還令以兵付益州刺史張喬  
六月十二日張喬遣從事楊竦擊封離等之寇之離乞降二十



六種皆降附

靈帝熹平五年諸夷叛執益州太守雍陟遣御史中丞朱龜討之不能剋朝議以為郡在邊外勞師遠役不如棄之太尉掾巴郡李顯建策討伐乃拜顯益州太守與刺史龐芝擊破平之還得雍陟顯卒後夷人復叛以廣漢景毅為太守討定之

三國漢後主建興元年六月益州郡耆帥雍闓殺太守求附於吳又使部下蠻孟獲誘煽諸夷牂牁越雋皆叛應闓三年春三月丞相諸葛亮南征叅軍馬謖諫進曰用兵之道攻心為上攻城為下心戰為上兵戰為下願公服其心而已亮納之五月渡

馬關縣志

卷伍

師旅考

二

西漢惠生石印代印

瀘七月至南中所至皆捷由越雋入閬已為高定部曲所殺獲收餘衆拒亮亮募生致之既擒使觀營陣復縱之更戰七縱七擒猶遣獲獲止不去曰公天威也南人不復反矣遂至滇池益州永昌牂牁越雋四郡皆平亮收其俊傑為官屬出其貨物給軍國後軍南夷復叛安漢將軍李恢身任撲討鉏盡惡類徙其豪帥於成都

隋文帝開皇十七年南寧夷蠻亂反以史萬歲為行軍總管討平之

唐憲宗元和十一年五月南詔寇南安時黃洞蠻屢叛管間



連歲被兵南詔清平官王嵯巔遂乘機東寇

武宗會昌六年九月南詔寇安南經略使裴元裕敗之

宣宗大中十二年南詔陷安南都護府時李琢為安南經略使  
苛墨自私以斗鹽易一牛交人不堪命結南詔將段酋遷臨都  
護府號白衣渡命軍南詔發朱弩佺直三千助守

懿宗咸通元年十月安南都護李鄴克播州十二月南詔寇安  
南時李鄴屯武州為蠻所攻棄州走以王寬代之三年二月以  
蔡襲為安南經略使發諸道兵二萬屯守南詔惶畏不敢  
出會詔左庶子蔡京經制廣南忌襲功欲阻壞之乃言南方無

馬

關縣志

卷伍

師旅考

虞武夫倖功多聚兵耗餽運請還戍兵襲執不可願留兵五千  
累表不報即極陳南詔伺隙久有十必死狀朝廷不省十一月  
南詔攻交州進畧安南襲請救發湖荆桂兵五千屯邕州詔襲  
按軍海襲請濟師以山南東道兵五千人赴之

四年正月南詔攻益急襲錄異年尋盟言繫矢上射入其營不  
答俄而城陷襲圍宗死者七十人幕府樊綽攻取襲印走江渡  
督荆南軍入東郭苦戰斬南詔二千級是夜蠻遂屠城蠻兵兩  
陷安南所殺十五萬人有詔諸軍保嶺南

七年十月高駢克安南時駢次交州戰數勝楊緝思出戰敗還



走城士乘之超堞入斬酋些諾首三萬級安南平進駢檢校刑部尚書仍鎮安南

宋仁宗皇祐元年秋九月廣源州蠻儂智高反寇邕州儂氏自唐初即雄於西原世為廣源州首領唐末時陔趾強盛廣源服屬之知儂猶州儂全福為交趾所殺其妻改適商人智高冒姓儂氏既壯與其母據儂猶州建國曰大曆交人攻而執之釋其罪使知廣源州智高怨交趾乃乘間襲安德州而據之僭稱南天國改元景瑞因招納止命貢獻中國求內附朝廷不許復奉金函書以請亦不報智高怒與廣州進士黃師密等謀據廣

馬關縣志

卷伍

師旅考

四

雲南志生石印代印

南乃數出敝衣易穀食給言洞中饑饉部落離散知邕州陳珙信之不設備智高一夕忽縱火焚其居因給眾曰生平積聚今為天火所焚生計窮矣當取邕廣以自王否則兵死眾從之遂率眾五千沿江東下攻邕州橫江寨守將張日新等戰死詔江南福建等路發兵備之

四年秋七月儂智高陷昭州九月以孫沔為廣南安撫使以狄青為荆湖宣撫使督諸軍討儂智高

五年春正月狄青夜渡崑崙關大敗儂智高於邕州時萬人龍海基為鄉導智高敗走大理廣南平



元憲宗五年合台率師平烏蠻諸郡凡出師三年平大理五城八府四郡烏白等蠻三十七部兵威所加無不款服六年合台以雲南平獻提授銀印加元大帥遂鎮大理以劉時中為宣撫使赦段興智領諸蠻從合台征交趾屠其城經車里所部悉降世祖至元元年東方諸蠻並起眾至三十萬上命大理總管信直日與大將軍討之

二十四年十二月鎮南王脫歡將兵征交趾克之先是正月發雲南兵同江淮江西湖廣三省蒙古漢券軍及海外四州黎兵討交趾置征交趾行尚書省奧魯赤平章政事烏馬兒樊楫泰

馬關縣志

卷伍

師旅考

五

雲南德生石印代印

知政事總之並受鎮南王脫歡節制十一月雲南省右丞愛魯兵次交趾水兀門其將昭文王以四萬人守之愛魯擊破之獲其將黎石何英鎮南王次思明程鵬飛與奧魯赤等從鎮南王分道並進阿八赤以萬人為前鋒烏馬兒樊楫及程鵬飛等遂趨交趾所向克捷鎮南王次界河交趾發兵拒守前鋒皆擊破之次萬奴諸軍畢會十二月鎮南王次茅羅港攻浮山寨破之以諸軍渡富良江次交趾城下敗其守兵陳日烜與其子棄城走敗南堡復走如海鎮南王以諸軍追之不及引兵還交趾城諸將以糧盡師老宜全師而還鎮南王從之



二十五年三月鎮南王次內傍關賊兵大集以遏隸師遂由單  
已縣趨盜州間道以出次思明州命愛魯引兵還雲南奧魯亦  
以諸軍北還日烜遣使來謝進金人代乞罪

成宗元貞二年三月捨資殺掠邊境梁王命怯薛丹等討降之  
明洪武十四年命穎川侯傅友德為征南將軍永昌侯藍玉西  
平侯沐英為副將軍從征雲南元梁王下檄徵兵龍者寧率部  
兵應調至陸涼羅雄界料天命有在聞王師至晉安者寧有隸  
服之心恐官兵謂達里麻細作不信適穎川侯傅友德西平侯  
沐英傳檄各土酋首先隸附者許其世業者寧喜曰吾得生矣

馬關縣志

卷伍

師旅考

六

雲南德生石印代印

即領部兵由山徑小路赴轅門隸服在攻達里麻後破大理  
等處通話順撫諸夷降服協從征伐廣南富州擒獲賊首沈玄  
金殺賊不計名數

永樂三年八百土酋入寇西平侯沐晟出次蒙自蠻遁去督兵  
窮追斬其酋以徇

四年七月命沐晟以左副將軍同新城侯張輔分道伐安南先  
是安南國王陳日焜為其臣黎季犛所殺日焜之孫陳天平聞  
道由雲南奔愬京師季犛卑詞表請天平還國上遣都督黃中  
等送天平隸季犛伏兵殺天平中等引還遣將分道出師晟奉



命由野薄伐通道先驅入安南奪猛烈棚華閭隘菲堡駐師以  
造舟分遣諸將出宣光江口舁舟夜至洮水沂流力戰連舟爲  
浮橋濟富良江與大軍會合攻多邦城棚破遂擣東西都及盤  
灘諸處時龍者寧奉調從征作鄉導直抵巢穴撫獲交王陳日  
焜隸服准叙功加雲南衛指揮職銜

師宗元江富州維摩諸蠻叛指揮僉事沐昇皆以計擒之  
五年五月張輔沐晟連敗賊兵所至如破竹黎李聲父子走海  
上追至日南奇羅海口悉就擒械送京師安南平得郡四十八  
縣百八十六戶三百十二萬五千九百遠置交趾各官晟還朝

馬關縣志

卷伍 師旅考

七

雲南德生石印代印

進封黔國公還鎮雲南時龍者寧奉西平侯沐晟征調從征新  
城侯張輔取雲南弓手從都督柳升攻賊龍者寧向李廣等奮  
勇當先擒黎笏等有功張輔沐晟奏聞許進京引見上命禮部  
造印章立長官司衙門直隸布政司管轄

六年八月交趾酋簡定反命沐晟發雲南貴州四川兵數萬往  
征之仍命兵部尚書劉儁往贊軍事十二月沐晟帥師與簡定  
戰於生厥江敗績兵部尚書劉儁等死之

七年八月命英國公張輔與沐晟合兵討交趾獲簡定等檻送  
京師伏誅



九年正月命征夷將軍沐晟同副將軍張輔討交趾陳季擴勅雲南及四川等省兵二萬四千隨征季擴簡定所立偽王也十一年十二月沐晟與張輔合兵敗交趾賊於愛子江十二年正月沐晟等師至老撾三關執陳季擴以誅誅之特交入犯維摩晟檄土司沈啟後禦却之

宣德二年交趾黎利叛攻隘郡縣成山侯王通棄守交趾率師還黎賊勢甚猖獗雲南大驚命沐晟為征南將軍同安遠侯柳升等由雲南分道進討沐晟以龍宜有勇略因其地有洪衣關即今馬關之梅子責宜把守恐長官司權輕交夷藐視具奏准菁土司城也

馬關縣志

卷伍 師旅考

八

雲南德生石印代印

龍宜加世襲四品服色把守洪衣關隘滇東賴以全安

正統六年維摩州蠻韋羅作亂自稱廣新王驥遣指揮萬城擊之即羅懼逃入安南驥檄示福福安南人斬其首來獻驥等班師叙功

嘉靖十四年乙未交人武嚴威背叛交國欲附大朝詐以求通上司為詞請土司龍徹中途相會徹信之與嚴威會於頗三作地嚴威掠龍徹南去先是交趾莫王遣西道總翁左西率兵攻逐武首奔入山基山車二寨名馬關而屬交兵由經托地至雅饒金銀數千與徹詢以嚴威避處徹却之不受祥言不知交兵回武首



得免其難至是武酋狼性思以讎報惜哉

十七年四月勅雲南鎮巡撫會討安南時安南莫登庸父子逐其主篡位上命咸寧侯仇鸞討之兵部尚書毛伯溫參贊軍務雲南巡撫汪文盛以蓮花灘當交廣水陸衝遣兵處其地以為來隸入聲援

十九年六月毛伯溫等至廣西徵集各省兵並檄雲南守臣集兵候師期議雲南兵於蓮花灘分三哨哨各兵二萬一千人以副使倪象賢等監督布政胡宗明等督餉黔國公沐朝輔巡撫汪文盛經畫既定馳檄安南臣民諭以大義又諭登庸父子果

馬關縣志

卷伍 師旅考

九

雲南塘生石印代印

能納款隸命亦待以不死而伯溫等駐師近邊登庸聞之大懼遂面縛詣軍門降時土司龍古進征蓮花灘獲水尾州偽知州裴行檢偽同知杜文勵阮基等解赴征夷總制毛伯溫等軍前論功陞賞及登庸詣轅門降詔降安南國為都統司

龍古因擒裴行檢為交夷深恨適教化頭目白阿沙投交岡武文淵受偽官清軍營總兵隸義侯職以馬匹納文淵擄兵侵犯攻逐龍古奔入普迷至岑洗坡其子龍敬奔史拱交兵追之部民據險矢石交下交兵退得免

萬曆二年二月鄒應龍沐朝輔移兵東征臨安王弄山猺獠等



夷平之

五年廣南僮酋叛巡撫王凝會黔國公沐昌祚撫定之時交兵犯法土酋土司沈忠馳擊交兵退守安邊

三十四年正月交周武酋大舉兵犯邊界土司龍勝安在教化犒軍子上登聞交兵至任高坐地守之交兵擁眾數萬象十餘條勝安敗走時安南沙河在阿雅上登謂河曰汝可拉父兄兵助我河遣人請兄沙源兵入援以充前隊得勝欺敵交兵齊起踴躍而來沙兵北走勝兵大敗阿雅陷十月交兵攻犯五邦五敵臨安兵備道撤王弄教化土司截交兵要路上登領兵守蓮

馬關縣志

卷伍 師旅考

十

雲南德生石印代印

花灘

三十五年二月戊戌安南武德成犯邊總兵官沐濬禦却之

三十六年交兵侵麻底隘之

四十年交周武氏遣偽官阮福誅誘殺牛羊僮繼武牛羊人齊起鬪殺交兵遁去

四十五年五月交酋謹國公同第南郡公錦郡公等統兵一萬攻高坐又遣東岳公平郎公領兵五千出牛羊攻教化土司龍上登以計禦之殺都督一員擒獲甚多自是交人議和數載罷戰邊夷得以寧息



四十八年建水土酋刀春琪勾交陞兵入犯攻破五邦等地至  
弄土舍沙源率眾堵截勝之斬其僞侯伯三人

天啟二年二月霑益土婦設科等叛巡撫沈敬煇傳檄起土司  
沙源等馳救擊走之是時寧州土司祿永命阿迷土司普名聲  
石屏土司龍在田武定土司吾必奎等俱以巡撫檄率調土兵  
從征力戰有功設科等復入陸涼境焚劫各鄉知州郭俊義戰  
敗被殺

三年正月新撫閔洪學至滇遣兵攻羅平復之安應龍走霑益  
洪學復分遣沙源吾必奎等率兵討賊漸次恢復

馬關縣志

卷伍 師旅考

十一

雲南德生石印代印

崇禎四年辛未普名聲反巡撫王伉統滇黔蜀兵暨土司吾必  
奎等屯臨安討之初馬者哨舊有土舍普柱數與寧州祿土官  
讐殺不休卒為祿氏滅名聲乃普舍青童壯而狡獪多詭譎屢  
建捕寇軍功遂冒普姓頂馬者哨土舍業水烏之亂與沙源吾  
必奎等俱奉調率兵破賊有功既而隨御史傅宗龍援黔及宗  
龍以內艱隸名聲亦回授阿迷土知州日益驕蹇後巡按御史  
趙洪範至臨安名聲率兵逐之戈甲旂幟列數里洪範惡之貽  
書巡撫王伉謂其養癰先是名聲款反部下兵頭何天衢不從  
一面陰遣人約廣南土知府儂紹周共挫名聲一面申報撫司



密將名聲差往鎮守之兵縛解赴省仇議年給天衢餉一萬二千權加遊擊銜提防晉變會洪範書至眾議請勦時寧州土官祿泥與名聲互訐人傳仇欲勦名聲名聲懇乃詐為祿土官家人訴名聲於仇以覘虛實仇果有即討之言名聲遂反仇奏請檄調黔蜀兵會討以右布政使周士昌監軍擊名聲敗之進圍阿迷名聲使人以重賄誘吾必奎復使其下偽約降王仇遣名聲故交莊承差往諭名聲留之佯使人告急且密語左右曰官兵四至皆不憲但從某箐入甚為可憂莊得名聲語誅告仇仇不知為計遂遣將朱永吉往攻某箐伏發必奎敗陣先走全師

馬關縣志

卷伍

師旅考

十二

雲南德生石印代印

皆臨士昌歿於陣永言亦力戰死名聲犯臨安叅將温如珍却之事聞逮王仇及巡按趙洪範時名聲戰勝仍巧詞乞撫當道愆前事不復置討

五年晉名聲死初名聲叛當事議撫名聲勉強從之未幾命內監同廣西知府張繼孟假賞費至阿迷名聲出迎相與款洽數日臨別置毒棋榔各分食其半是夜名聲中毒暴死按馮再來滇攷云內監下毒考阿迷州中故老傳聞皆云廣西府通志謂名聲兵頭何天衢不從反正自効名聲移兵攻之中砲死其說近理其妻萬氏擁眾聚阿迷州



六年巡按姜思睿議撫萬氏所遣輒被殺廣西知府張繼孟軍  
騎入賊營諭以利害萬氏遂降按萬氏原江西客民女初名聲  
娶妻龍氏為教化長官司龍桐妹後往省娶萬氏回日加寵愛  
將正妻龍氏害死詭計陰謀內外把持頭目兵眾憚不敢言生  
子福元性惡嗜殺酗酒縱淫數年卒為手下人所殺萬氏肆虐  
橫行侵奪鄰郡迺東諸司惟命是從自名聲死後日選頭目侍  
寢不如意輒殺之不計其數陸司沙奴迫美姿質萬氏贊之未  
幾奴迫懼禍且不能如其欲復贊洪甸土舍沙如錡將兵攻奴  
迫奴迫自縊如錡亦恨萬氏慘刻又傷堂弟奴迫死於無辜因

馬關縣志

卷伍 師旅考

十三

雲南德生石印代印

遣人控訴撫司許如錡便中掣解無何事洩萬氏暗害如錡於  
內室佯言如錡病故撫司亦不能究問又贊霧露結土舍老更  
數日逐之又贊阿雅司龍上登長子龍祚長祚長避不敢出復  
贊龍桐桐畏其勢恐忤意曲從之年餘遂與定洲通仍遣龍桐  
蘇大教化自是連歲用兵土司龍上登卒為萬氏所逐龍桐亦  
潛逃河外矣古寨趙奴膏至雅連上登起兵據省城以覘上登  
順連上登曰我本漢臣數百年受國家厚恩累代敵撓交南恨  
無尺寸功何忝從逆以遺萬代焉名即將如賣縛送臨安至底  
攻奴賣恩因自刎死萬氏切遂誘古木龍元祚作內應發兵  
莫能支遂携妻子奔交  
改葬染瘴龍桐亦死



清順治二年十二月安南土酋沙定洲反按定洲源次子源為  
安南司據老寨諸土司中沙氏最強萬曆間何起龍據新現稱  
那代司諸多不法沙源以計滅之遂有其地會迤東有猖民之  
亂流入蒙自縣劫虜雜街倘甸沙甸等村落時蒙自無武備恣  
其焚掠而去後蟻聚於歪頭山左右觀望蒙人請源兵入援道  
遠後至猖民已去源從間道襲其後大破之斬獲千餘追至石  
屏而還天啓元年交趾擁兵數萬犯邊連結八營陳於龍古時  
源在新現今其弟清從間道破其中堅擒賊帥翁董俘斬二千  
有餘所獲甲帳無數當事嘉其功為奏請給安南司印始以新  
馬關縣志

卷伍 師旅考

十四

雲南德生石印代印

現城酬之時祿重溺於酒色盜賊肆出不能馭眾其目把李輔  
舜等叛歸於源源以兵乘之遂破土官村祿君恩勢孤遁歸寧  
州於是蒙自諸土司盡敗止而沙氏益強後貴州土官安效良  
等為亂入寇雲南源奉調征之戰於交水不勝賊徑走會城源  
星夜入援過於嵩明楊林間大破之嵩明人德之立祠以祀沐  
鎮為奏請授宣撫司印是年沙清之子如意調守普安州僅以  
兵百餘人哨探江西坡安效良以兵數萬人圍之如意奮勇擊  
賊賊大潰積尸滿江西坡谷滇省賴以少安然如意恃功驕肆  
祇授教司銜後贊於阿迷而死未幾源亦死子定海立沙氏勢



少衰會晉名聲死其妻萬氏悍而淫據名聲餘衆虎視迤東先  
據定海為贅婿已復殺定海而贅定洲定洲時年未滿二七與  
其子晉福元同歲月生福元嘗醉後宣言必殺定洲萬氏屢以  
身護庇之得免後福元死定洲乃出視事自是兼有安南阿迷  
之衆復併吞夷地西自元江南連交趾東抵廣南北至廣西綿  
亘數千里稱兵二十萬惟待有隙而動時當天下多事中原鼎  
沸李自成據山陝張獻忠據湖州文武將弁惶惶無所適從到  
處俱閉關自守定洲萬氏嘗有竊據雲南之意秣馬厲兵訓練  
死士各屬亡命紛紛投入撫按三司亦與萬氏賓禮往來惟沐

馬關縣志

卷伍

師旅考

十五

雲南德生及印代印

鎮天波恃為十八土司之長稍節制定洲濠啣之適吾必奎皮  
天波調定洲赴勦八寨教化土兵多從之者及沙兵未至必奎  
已被官兵擊敗撫軍吳兆元遣使止定洲回不從逗留城外陰  
結天波左右為內應以是月朔入城辭行仍假傳撫軍令擒國  
賊沐天波變起倉卒沙兵數千擁入天波由小竇出西太夫人  
陳夫人焦俱自焚死天波遂奔楚雄定洲因盡得沐氏所有踞  
省城刦巡撫吳兆元為題請代天波鎮滇又至祿豐執家居唐  
事王錫衮置貢院脅之與兆元傳檄各州縣凡要隘之處用兵  
頭一人叢色二人主文一人率兵數十守之又設總管總統名



日府州縣衛事必咨啓而後行一時四方流民纏包頭左衽侏  
僂假名叢色好漢魚肉良善者所在多有後聞天波在楚雄自  
率眾追之是時楚雄新為吾必奎所破金滄道副使楊長知奉  
調監軍至楚雄人留之畏知遂駐楚雄聞定洲西出與天波計  
守禦之具未集曰公在楚賊以全力聚攻城必破公不知西走  
永昌使楚得為備賊即西追恐楚襲其後留攻楚又恐公從西  
來首尾牽制上策也天波從之定洲至楚雄門閉不得入為畏  
知所給遂去遣其党王朔李日芳等分攻大理蒙化臨之屠故  
以萬計又圍武定准官陶光印固守攻四十餘日乃去

馬關縣志

卷伍

師旅考

十六

雲南德生石印代印

三年定洲復攻楚雄時賊恐畏知截其後路又聞迤東祿永命  
龍在田等各自固守因不敢至永昌撤兵還竭力攻楚雄楚雄  
守具已集屢攻不下畏知視賊懈輒出奇兵奮擊前後而殺甚  
衆圍數月賊稍稍引去東攻石屏石屏守堅復回攻寧州破之  
四年正月沙定洲復攻楚雄時定洲既臨迤東諸郡縣又引兵  
而西分為七十二營每七營各為一大營統之環楚城鑿濠三  
重為久困計畏知能固守經八十餘日糧盡援絕幾不能支會  
流寇張猷忠死餘党孫可望李定國劉文秀艾能奇率殘兵由  
遵義入貴州龍在田使人告變且勸其至滇可望因詐稱黔國



焦夫人弟率兵來復仇三月可望等入滇定洲遣大兵頭數十領兵數萬往援曲靖戰敗被擒數百人皆割去耳鼻手足放回夷人性多怕打不怕殺怕痛不怕死見同類傷殘之狀無不服粟胆喪逃散思隸乃解圍去

六月孫可望等破曲靖及交水俱屠之執巡按羅國祿嚴言欲搗定洲巢穴屯兵蛇花口萬餘五鼓時分將接戰沙兵誤中地雷之術化為灰燼皆以為天兵莫能敵定洲時自楚雄還省城聞之大懼遂殺故詹事王錫哀於貢院焚南城樓遁走臨安可望知定洲走即由陸涼宜良趨省據雲南城

馬關縣志

卷伍 師旅考

十七

雲南德生石印代印

五年八月李定國捨沙定洲及萬氏初定洲走隸臨安屯兵但華竟與萬氏營校免窟分險自守其下湯嘉賓陳長壽等各據一山立營相去數十里為犄角之勢私通交趾借其援以固結蠻心適萬氏妹為湯嘉賓妻病死定洲等會集賓營定國傾得之率兵遠至圍以木城困守三閱月絕其水源諸蠻懼出降者相續遂械定洲萬氏等數百人回省磔於市時沙善餘克溪烏石洞王朔蒙自李日芳法土童沈氏教化龍昇霄古木龍元祚後先赴俚華竟後誠俱各授偽職

九年二月大師取廣西明宗室由根奔廣南可望安置於安籠



所初可望既捨沙定洲自以無名爵難於號召滇黔聞由根稱  
偽號廣西遣使請封乃偽封秦王尋以偽將軍賀九儀譖勅楊  
畏知殺之至是由根奔廣南可望安置於安籠

十五年十二月大師三路會於曲靖迤東各郡皆隸附

康熙四年三月迤東土酋寧州祿昌賢新興王耀祖嶧我祿益  
王揚祖王弄王朔蒙自李日森李世藩李世屏八寨李成林糾  
合納樓普率教化張長壽沽木龍元慶倘甸葉向陽葉正昌石  
屏龍韜龍飛揚路南秦祖根陸涼資洪彌勒昂復祖維摩沈兆  
麟王承祖王義王先任王先倫等謀叛衆至數萬攻臨安陽蒙

馬關縣志

卷伍 師旅考

十八

雲南德生石印代印

自嶧我寧州易門圍彌勒通海石屏宜良等州縣各郡震動先  
是吳三桂繼部人凌虐蠻裔激怒諸酋長欲走西南時有小警  
久固高位至是三桂証水西駐師烏蒙訛傳其死諸蠻相率叛  
三桂聞變自水西遣王輔臣援彌勒趙得勝援石屏賊遁去時  
教化土司張長壽強龍昇霄等從軍初至歪頭山與阿迷李阿  
側抵敵數日同至邱北長壽戰歿於軍昇霄逃回教化  
四月吳三桂自烏蒙回師同總督卞三元提督張國柱分勦蒙  
自新興邱北王弄山法土黃牛羊八寨等處時三桂師次王弄  
山連營十二諸夷望風而靡



七月於王耀祖祿昌賢王朔張長壽李成林李世藩李日森沈應麟龍元慶儂得功悉誅之詔撫其餘党李世屏普率勢窮來降悉寬其死時李日森妻割髮換肉啣夫不受辱死龍元慶妻資氏于棘未久不得其夫至是能盡婦道環侍不懈隨殉夫死十二年十一月吳三桂反開化鎮總兵高起隆應之初三桂皆謀不軌表高起隆鎮開化借交趾為聲援收畜亡命久有異志適奉命搬移家口逆党胡國柱郭壯圖等密畫於內馬寶力贊於外高起隆張國柱王屏藩等應之遂使吳國貴為前鋒徑寇辰沅至荆江使王屏藩由蜀寇漢中夏相寇江西又糾廣西孫

馬關縣志

卷伍

師旅考

十九

雲南德生石印代印

廷齡馬雄廣東尚之信貴州提督李本深福建耿精忠等同反時起隆鎮開化勒派八里土兵土舍沈錫麟周應龍等率兵從之各授偽守備職應龍隨至湖廣洞口知吳逆無能為反正自効殺賊甚多錫麟亦赴征南將軍賴軍前投誠大師平滇後改授應龍世襲土經歷錫麟等陞賞有差

二十年高起隆等潛聚於廣南清師分路搜討擒高起隆磔於市

四十二年廣南陸尚賢叛檄開化鎮游擊率官兵三百勦之伏誅



四十六年撤開化鎮遊擊率兵三百協剿貴州三江僮苗

雍正二年開化鎮守備史應貴領兵二百協征西藏

六年六月開化鎮總兵南天祥領官兵駐防查木道時西藏噶

隆阿布巴等殺康濟鼐其康濟鼐下頭目波羅鼐帶兵報仇戰

鬪相持

命雲南及川陝二省大員領兵往藏安頓

九月開化鎮遊擊徐成頊領官兵四百協征普洱茶壩

八年烏蒙夷賊陸萬福叛撤鎮開化守備朱傑千總張朝輔艾

高昌把總倪大任先後帶兵一千協征

烏闡縣志

卷五 師旅考

二十

雲南德生石印代印

十年守備張接天胡大勇先後領兵一千出師石屏元普橄欖  
嶼等處

乾隆五年沙匪吳長與安南王爭殺邊地告警總督慶復檄副

將董芳率臨元廣羅協同本鎮官兵沿邊堵禦隨誘吳長至馬

白關解省安置

八年沙匪不法游擊趙國盛帶兵三百守備郭統宗帶兵二百

往馬白關桂皮樹巡防堵禦

十四年遊擊劉德成朱璣先後帶兵出師金川

十八年三月盤道乾僭號盤王以漢奸何盛烈為謀主藏匿交



邊傳布符帖截玉帝兵三字約四月十五會梅子箐奪馬白關  
進攻開化城總兵張凌霞知府覺羅彰古禮撲拏解省正法梟  
示


馬關縣志

卷伍

師旅考

二一

雲南鴻生石印代印





綠營兵制 兵畧志之三

開廣鎮標額設遊擊以下各員弁兵經歷年迭次裁減至光緒二十九年各營汎全裁各營兵按年遞減三成三十四年自游擊以下官弁一律全裁僅留舊額兵二百二十名 民國元年全滅滿清之綠營至此消滅 按綠營兵制自康熙迄嘉道間各營多寡增減不一握兵柄者又從而侵沒之或以空名冒餉或以老弱充兵數即名載兵籍身列戎行者亦閑散而派為醜博習成尪羸迨至咸豐江南軍興綠營兵不足恃乃召練勇以從攻戰雲南師仿其義以行雖藉以弭一時之亂以若輩招自

馬關縣志

卷伍

綠營

雲南德生石印代印

游閒勢成烏合亂定後恃勢驕橫地方居民不免於滋擾至同光間迺漸裁練勇而設防軍亦不過易其名而不能責其寔後所以有新軍之制也

附督辦對汛之設置

光緒十年法人佔安南十一年九月清廷命翰林院編修兵部侍郎唐周二使與法使會勘初劃大略草界十五年同知章克振奉文與法使次劃草界都章七杜劃為中國版圖名曰隸仁里其地先屬越南永綏縣管轄分為六甲置一總管自劃界後箐門以大山脈為界隸中國天保以龍潭大山脈為界隸中國



二十一年又續訂中法界線會設對汛會巡章程二十八節  
二十二年道尹劉春霖奉文與法使卜居陽本義德會勘中越  
邊境立石定界遂將箐門半社割隸法國船頭割隸中國雲南  
邊界分三段會巡第一段由那發起第一塊碑至第三段二十  
四號界碑交廣西畛止三段共立畛碑九十號

二十三年設河口麻栗坡兩副督辦以河口督辦轄五對汛替  
辦署兵額設一百名曰那發對汛曰填洒對汛曰河口對汛三  
十三年裁撤隸副督辦代辦曰新店對汛曰老卡對汛一等汛  
兵額七十名二等汛兵額五十名三等汛兵額四十名麻栗坡

馬關縣志

卷伍 綠營

二

雲南德生石印

督辦轄六對汛督辦署兵額一百名每對汛設兵三十名曰茅  
坪對汛曰天保對汛割畛特擬設天保後以箐門換船頭故今  
天保對汛改駐船頭曰攀枝花對汛曰田蓬對汛此汛廣南屬  
地宣統元年奏准添設玉皇閣對汛兵額設如前

附猛硎團練之設置

項從周行四苗族原居野豬塘幼為梅里長器重有胆識爛槍  
彈梅卒猛硎地方附之滇越劃界都章六社及南山三社附入  
版圖猛硎地方倚從周為屏翼助馬維騏張紹模數平邊亂以  
功加從周牛總銜自是之後政府定案每月由縣署支給從周



團練餉銀三百大元以作練團之資二十八年蘇掄元調周勳  
匪民國三年從周卒軍府優給卹賞准其國恩襲職

馬關縣志

卷伍 綠營

三

雲南應生石印代印



安南紀畧兵畧志之四

安南國東界廣東東北界廣西思明西界雲南開化府西南界老撾即古哀牢南插入大海中通占城群獠雜居椎髻跣足性輕悍以富爲雄後屬貧弱其地多暑男女好浴於江善舟便水其產多魚鹽金沙珠璣玳瑁之屬秦時置象郡以謫卒戍之後爲南越王趙佗所併漢武帝中平南越以其地爲交趾九真日南三郡領縣二十有二是時雖置郡縣猶仍其俗不習漢文書第羈縻耳平帝初錫光爲交趾太守始導以禮義光武中興遣使貢獻封鹽水侯時任延用徵辟爲九真守鑄田器教民墾闢

馬關縣志

卷伍

安南紀畧

一

雲南德生石印代印

示以嫁娶禮法於是徼外蠻夷舉向華風建武十六年女子徵側徵貳反將軍馬援討平之立銅柱爲漢界永和間日南蠻爲梗朝議發荆揚諸郡兵討之嶺外復平三國間吳魏與蜀更置官吏不能相統一晉平吳蜀始置刺史以便宜選用長吏陳隋以來改九真爲愛州日南爲驩州皆設刺史又添設九德新昌諸郡唐置安南都護屬嶺南安南之名始此開元間文教大興九真姜公輔遂用經術起家入翰林爲右宰相大中時李琢爲安南經畧使苛墨自私交人不堪命結南詔以叛都護高駢平之因以爲靜海軍授駢節度唐亡爲南漢劉隱兼併未幾國內



亂部民嘯聚擁立豪渠丁部領稱萬勝王以子璉為節度使宋  
初璉遣使入貢太祖封之璉後為大校黎桓所篡太宗怒興兵  
問罪遣水陸二軍分道並進桓遣使貢方物謝罪因而撫焉真  
宗即位封桓南平王黎氏有安南自此始傳三世李公蘊篡黎  
氏自稱留後遣使奉貢上以蠻夷不足責用桓故事授公蘊交  
趾王再傳日尊僭稱帝改元坤武子乾德繼之尤悖謾熙寧間  
交人叛陷欽廉又陷邕州殺守臣蘇緘屠其民五萬餘上從王  
安石議詔以郭逵為招討使趙高為副討之二將相左至富良  
江不敢渡官軍八萬死者什六僅得四州一縣而還乾德乞再

馬關縣志

卷伍 安南紀畧

二

雲南德生石印代印

修職貢還所奪州縣從之自端拱迄嘉祐兩江高崗數為所侵  
以其僻在海隅不復與較自是益桀驁不可制矣傳十一世至  
吳昌無子婿陳日照遂有其國傳子光昂元世祖平雲南光昂  
上表奉貢遂封為王光昂死子日烜自立世祖召入覲稱病不  
朝命鎮南王脫懽征之日烜空其國航海而遁追襲於海敗之  
會盛夏軍作疾作霖潦瀑漲謀者請班師懽弗能奪遂還二十  
三年詔發江淮蒙古雲南黎兵九萬水陸並進日烜及其子復  
走入海鎮南王追之海口不知所之諸將恐師老糧乏議全師  
還日烜分兵以逼昧路鎮南王由間道昧日烜率子日燁遣使



來貢時復謀大舉從平章不忽木議中止皇慶二年交趾北鎮安隸順二州殺掠數千人中書省詰責之安南節詞以謝因飭邊吏毋令侵越自是貢獻不絕明太祖興安南陳日烜遣使進貢封日烜為安南王烜卒日烜嗣其兄叔明逼死之自立奉表貢馴象禮部詰之使者具言日烜為叔明逼死故托貢以覘上意上惡其狡獪卻之七年叔明自稱年老以弟熾代熾卒弟熹襲叔明仍專國政叔明卒國相黎季犛廢熹尋弑之季犛叔明婿也立熹明子曰焜主國事次年弑日焜立其子顯復弑顯立熹弑焜奪其位詭姓名為胡一元子蒼易名奎偽稱日焜奉貢

永樂初季犛又詐稱陳氏絕奎陳氏甥求署國事上不實其詐許之踰年日焜孫陳天平間道由雲南走想京師上遣使責之黎季犛詭詞謝罪請天平還國上遣都督黃中呂毅大理卿薛鼎等送天平還既入境季犛劫天平格殺之鼎亦死中等以聞上大怒決意討之命西平侯沐晟新城侯張輔分道並進輔入安南破隘留難陵等關沐晟率雲南兵與輔合遂進克東都西都乘勝長驅引兵出奇羅海口擒黎季犛安南平置交趾三司以都督呂毅黃中掌都指揮使司領十七府四十七州一百五十四縣衛十所十三市船一選文武諸臣守之張輔等班師各



進爵有差六年交趾餘党簡定反沐晟討之戰於生厥河敗績復命張輔往征時賊党阮師等推簡定為偽上皇別立陳季子濬襲天順三年濬為庶兄琮所弑國人討平之而立濬弟灝時太監汪直用事議討之傳旨索永樂中調軍教劉大夏在職方故匿其跡中止弘治中灝死子暉襲暉死子敬立未封而死第誼襲正德初誼母戚阮种用事屠戮宗親暉自殺國人黎廣等討平之立灝庶子暉時安南謀奪食占城上聞諭禁之侵盜如故已而中國人潛多入安南臨安諸郡所在有焚賊矣於是撫臣屢請增文武吏士控制彈壓然交人侵奪處處有之亦

馬關縣志

卷伍

安南紀畧

四

雲南德生石印代印

不能禁時暉懦弱群下專權虐政暴征國人怨之十一年社堂燒香官陳嵩作亂殺暉詭為陳氏後首自莫登庸者本都齋漁人有勇力暉以為都力士亦叛降嵩時讓方十歲兵柄在登庸掌握黎氏臣鄭綏以登庸不臣讓擁虛位乃復立其族子酉榜為主登庸攻鄭綏捕酉榜殺之十六年登庸率兵攻陳嵩嵩敗死登庸自稱安興王謀殺讓讓走清華依鄭氏鄭氏安南世臣讓母妻族也登庸立讓庶弟憲為王嘉靖三年登庸冒讓名入貢求封四年黎讓遣人請兵救援俱不能至六年登庸使國人范嘉謨偽作憲禪位詔遂篡之立子方瀛為偽太子尋殺憲九



年登庸禪位於方瀛自稱太上皇退居漁陽海陽為方瀛外援  
 擅作大誥五十九條秋恭讓卒於清華鄭江黎垌等共立黎寧  
 為嗣十五年黎寧差頭目鄭惟億泛海至京惟僚有志拯能文  
 章歷奏登庸僭逆之罪為書引申包胥豫讓張良為比讀者悲  
 之是年以皇子先議頒詔諸蠻禮部尚書夏言奏安南不貢逾  
 二十餘年宜罷使上命潘旦覈其罪狀及寧奏遂下廷諫命  
 毛伯溫為兵部尚書便宜撫勦潘旦疏莫氏奸雄之賊黎氏逆  
 利之裔皆非所宜立如以查方濠之則元昊可爵不義可侯而  
 黎利可王二氏分爭宜靜以觀其變與廷議不合因詔旦還以  
 為

為開縣志

卷伍

安南紀畧

五

雲南德王石印代印

侍郎蔡京代之是時登庸聞廷議與師遣其党范正殺齋公移  
 詣雲南言前國王恭明被逆臣陳高殺害無子登庸同國人推  
 立明弟諲諲被奸人杜濕鄭綏誘邀清華庸仍推立諲弟慶旋  
 自清華迎諲諲與慶俱以病死黎氏無嗣慶垂死與群臣議以  
 登庸父子有功於國付以印章命主國事遂為國人所推其不  
 上表通貢者先緣陳昇据諒山為梗後乃守臣閉關不納耳黎  
 寧乃亂臣阮塗之子冒稱黎姓非諲子也其所自列如此然事  
 皆誣罔多自飾黔國公沐朝輔以聞未幾方瀛死以福海嗣之  
 登庸竊遣使輸情於廉州守張岳岳白毛伯溫令束身軍門諲



地繳印去僭號上乃降安南國為安南都統使司以登庸為安南都統使從二品給印章子孫世及改漁陽山南十三路各設宣撫使乃令守臣勘黎寧果否黎氏後授與清華等四府以承祖祀制下登庸已死伯溫等請以制命授其孫福海從之二十五年莫福海卒子宏漢方五歲國多亂又五年始襲時黎維居一隅而党類寔繁黎寧死其臣鄭檢立其子黎寵檢惟僚之子也寵死復立黎暉四女孫維邦會宏漢臣黎伯驥亂檢以兵會之宏漢奔海陽自是不能赴關領職而貢使亦不能行矣隆慶中莫宏漢卒萬曆元年子莫茂洽襲自嘉靖四十二年入貢迄

馬關縣志

卷伍

安南紀畧

六

雲南德生石印代印

十餘年方以期修貢蓋邦內多梗也其後黎維邦死鄭檢子松立維邦之子維潭松以師攻殺茂洽輔黎氏復據安南莫敬用竄居高平黎氏叩關求款皆臣陳大科上言莫之篡黎其事逆黎之復仇其名正宜許其來歸於是築壇受其降如莫登庸故事降安南為都統使司詔以維潭為都統使給以銀印而予莫敬用高平令維潭勿得侵害安南復定按其國十三道道不過中國一縣自黎氏以來雖奉貢稱藩然帝其國中如尉佗故事死則加謚稱宗黎暉之弒或曰鄭惟鏞為之鄭宗強以黎復黎皆鄭也鄭以清華為重莫以都齋為重維潭死子維新立時鄭



松栢國不入貢者又十餘年維新天子維祺立補前違貢以兩貢同納遂為例

順治十七年安南都統莫敬曜納款求封號粵西撫于時曜以其率先隸附且欲為黎氏勸具聞報可自後入貢相繼安南黎維禔聞高平莫氏投誠隨亦遣齎表款關

康熙三年遣陪臣阮敷入貢朝廷頒賞有差護送隸國維禔未受封而殞五年上遣翰林院侍讀程芳朝齎印冊封黎維禔為王先是敬曜來隸亦未受封而卒其子元清襲因受安南都統使及維禔為王黎莫構隙尋兵不已六年維禔奪高平兵甚盛

馬關縣志

卷伍 安南紀畧

七

雲南德生石印代印

元清敗績且蕩與隸順下雷各土司有隙無援路絕乃奔隸皈朝皈朝滇界也元清至皈朝行李一空男女老小不足三百口七年始聞於朝諸臣僉以黎氏擅兵宜討之上命暫移元清於南甯選內院侍讀李仙根往諭維禔令以高平還元清使臣抵安南維禔及其炳臣鄭憶相持四十餘日始遵旨以高平府及上琅下琅石林廣淵四州退還九年維禔卒維禔嗣十二年吳三桂反維禔與其臣鄭憶復謀攻高平元清黎家奔隸順黎氏盡有高平之地十四年維禔卒弟維禔嗣十九年大師會勦雲南賴將軍大兵由剝隘進時元清已死其子莫敬光與泗城土



官岑繼祿為鄉導二十年雲南平維禎差陪臣鄧公瓚奉貢且言元清父子從逆事上命將敬光家屬發回其國安插二十一年送敬光隸國敬光懼不敢隸未至闕即自縊死其弟敬明敬寶敬暉皆脫走餘眷屬三百餘至安南維禎悉殺之是年鄭德死子椿復柄國政二十二年冊封黎維禎為安南國王嘉其不從吳逆也二十八年禮部詰問莫敬暉事維禎具言莫党通結彼國宣光人名寬行劫事跡粵撫王起元代之題達泗城土官隸順土官俱落職三十年維禎差阮名等奉貢齎奏本言莫敬明莫敬暉居泗城田州土官妻以息女莫敬寶居廣南董寶寨

馬關縣志

卷伍

安南紀畧

八

雲南德生石印代印

妄稱偽號通結宣光人名寬及吳三桂殘党肆行劫掠高平宣光興化等處又雲南開化土官侵彼國保樂州白的美豐栗廩有巢玉壘茅社村渭川州東蒙無咎牛羊蝴蝶普園各社崗興化處水尾州甘棠香山山腰呈爛花贊茅崗及瓊崖州四峒昭普州三峒廣陵黃崖合肥等州詔滇粵督撫查察屬靈雍正五年安南黎維禎疏渭川州與開化府接壤原以賭咒河為界即今馬白汛下之小河交趾指為賭咒河上命侍郎杭奕祿學士任蘭枝往諭賜以鉛廠河內地四十里今開化府遂以馬白關小賭咒河為界



軍事緒言 兵畧志之五

開化八里歷亂始末紀畧由丙辰年起編至壬申年止 仁和家紳記

逆首沙美馬登回教中桀驁之尤者也善鑽營謀不執居城南

西山下約二里許常出入衙門關說與府署素為相友善不知

其蓄有叛意也迨咸豐六年丙辰八月彼族得亂黨消息遂統

召四方諸夷嘯聚者數千餘人漫山遍野晝則高懸白旗推牛

饗士鎗刀林立鼓角喧天聲言做清真大會凡往來商旅經過其間者聞童謠言

既難不吃皮殺漢不殺夷之語傳播城中百姓震恐而知府李炳商毫不關心已令差役往查而回匪婉

言以謝乃於解塊祀加以金條作苞苴禮饒之本府喜形於色曰咱的回越數日四方

馬關縣志 卷伍 緒言 雲南德生石印代印

諸蠻揭竿而起城外居民攜老扶幼紛紛逃難 添營築壘逼近城郭時有武侍衛羅

告急曰寇深矣 斯時文武官僚倉皇無措始整頓軍械閉城迎敵

賊眾蜂擁蟻集將城困圍水洩不通樵採斷絕者四十餘日有

城邊民房作柴薪者有受俄難禁殺馬而食者乃賊回于城外高阜响喊大罵曰爾等貪官污吏剝民脂膏受的金條今日死期到矣金條可充飢下

咽否耶 迄今民間傳 所幸者向之總兵程鎮台籍貫官名未詳 庫中儲

積子藥軍火足以支持再則天不絕我漢族民命於時上五里

之逃依下三里者居多而三里又屬極邊前有敵人立邊後有校人堵截

如大燎原奔逃無所且賊又蔓延永平里之底泥探者探喜大平子等處

事機危迫至極 不料難民中人 陡然降下仙家有所謂張仙姐洗筆李八仙者安

里大山頭難 天神附辭救劫挺身上馬神威赫赫執銳披堅勇柱



直前所向披靡一時四方門戶壯丁聞風起舞不期而脅從往  
 援者萬有餘人各路沿途進攻會勦西山戰無不勝不數日賊  
 潰數千里外而城圍始解嗟乎亂之初生民未習戰一切軍器  
 除鳥鎗外不過火桿刀矛而已民惟仗神呵護紅旂招展一鼓  
 作氣特以火攻覆其巢穴賊之死傷者甚眾我軍百不折一約  
 計救援領兵練頭姓名住址列表如下

里 甲	名 稱	姓	名	住	址	事
--------	--------	---	---	---	---	---

逢	李懷榮	木	廠	街	統	蘇在王耀等延舉義旂傳集附近門戶
	蘇	在	同	上	奮	勇掃滅賊巢大平子以除心腹之患

馬關縣志 卷伍 續言 二 雲南漢生石印代印

春	
王	耀同 上進城解危計領民兵二千餘人
曾	泰別格街
馬	縉同 上計領民兵五百餘人
王	老德法 土陣亡
高	金馬 洒計領民兵百餘人
盧	學成馬 白陣亡
趙	潘貴同 上陣亡
賓	代榜同 上計領民兵千餘人
羅	明才 仁和街



里			平			永			里春逢		馬	里							
陳	何	張	向	董	吳	袁	陳	唐	馬	關	王	劉	郭	成	唐	晉	余	石	侯
益	連	文	雲	經	光	金	耀	殿	關	縣	開	濟	耀	天	世	旺	宗	超	倫
底	順	板	大	同	大	發	文	同	志	新	舟	宗	培	略	唐	受	同	同	上
泥	底	橋	寨	上	雪	馬	沈	上	卷	街	牛	大	古	同	家	菁	上	上	上
						主為首		伍				計領民兵七百餘人							
								緒				領民兵五百餘人							
								言											
								三											
								雲											
								南											
								總											
								生											
								五											
								印											
								代											
								印											

以上計統兵民二千餘人



三里首舉興兵進城解危約萬有餘人其中有記憶不消不窮  
而或遺漏者必各里博訪認真乃能無訛由是西山告捷民慶  
更生餘賊退隸上五里之江那改趾城蓋柴冲田心茂克馬塘  
并樂農里之毘盧寺綠蘿寺地方盤踞要區連結成營而省中  
郵信隔絕未審承平何日各練頭與城中官紳協議設立公局  
一面養息士卒捐募軍需糧餉辦理軍火子藥接濟輪派防堵  
以為長久攻守之計是年冬永平逢春二里之兵旋將底泥土  
鍋寨芹菜塘阿富探者賊首盧春住所探暮探舍等處一帶賊巢次第  
克復斬獲甚眾惟盧春逃難民逃出者始得隸業是後王老德名

馬關縣志

卷伍

緒言

四

雲南德生石印代印

之傷斃者失考七年丁巳九月為獅烏堵冲反地近開城勢甚猖獗復

有困城之漸先是城危既解時官報下移城中結盟蘇党分立

堂中惟全勝之馬正為最彼此所讓構怨魚肉仇殺自馬正李開陽姜祥

等罹禍死後內亂未息外患頻臨兵事難于會商惟忠勇五大志

公修書各處告求民心惶恐無計設施惟有禱告神祇以救

生靈逢春里仁和街周述義王應仁周明誠施文煥等倡首設壇誦經求神

一片真誠齋戒沐浴設壇拜蒙神木筆沙諭許降神董助勦賊匪

安良除暴護國佑民先期亂語吩示道照廟中泥塑神像趕速

天宣化慈祥衛國護民盪甲戰裙二套鋼鞭魔杵各一慎選良

馬十支幼童八人以作八將服色一律各執刀械侍神之兩傍

定於十六日降神附體統兵出征官已附於施永清之間先期需



附黃宗福之伴二童坐立如屍狀態言動大異尋常是日黎明金鼓齊鳴臨行點兵二神童誓於眾曰今者人心險詐倫常乖舛劫運遭逢吾神仰體上帝好生不忍玉石俱焚爰奉勅旨勦除賊氛作惡者不赦有善者免焉咨爾有眾諦聽神言臨陣衝鋒對壘破敵勿貪貨財勿起姦淫毋殺老弱毋挾偏私敢有違令三尸具報神其殛之勗我勿忘誓畢羅洪侯永良整頓隊伍神將八人披掛上馬擁護神童計千有餘人直抵古木安營次早開隊神童戰馬先驅鞭矛指處霎時敵營火起烟焰迷空連破賊十餘寨賊潰而逃二神童率隊入城知府李榮燦聞報喜出望外郊迎五里之外二

馬關縣志

卷伍 緒言

五

雲南德生石印代印

神童入城升座從容而言曰方今五百年大劫魔王下界收取惡人以充劫數各省兵戈迭起天下昆沸姑念邊地人民開闢未久奢華未盛且留一綫之恩吾神奉旨臨凡凡盤顯化附體救劫子大夫慢神虐民多矣尚以吾神為戲耶然神所憑依在德不以祭高而降福亦不以不敬而降殃但願自今以往凡百庶政尤當尚為撫綏吾神回天繳旨靈空鑒察爾其勉旃神言畢二童甦醒八將參扶下座將神裝卸下換衣向知府面前謝罪知府手携二童入衙賞二童六品軍功犒賞兵勇奏凱而還

各地設立公局所以分任地方堆派軍需辦理槍械運輸



糧草等事其中亦有練頭而兼任經營者初則擇殷實之家以十戶養兵一名三個月更換一次輪流征調週而復始茲將公局管事姓名錄列於下

別格公局 黃鶴齡 余知言 周封魯

阿黑公局 羅照 楊耀 唐宣 蔡禹 鄭品

馬白公局 趙宣 李光 李北山 周春 楊泰 盧有

木廠公局 呂品 向春 林三台 王品

仁和公局 周從 徐品 段志 懷昆 謝元 周定

八寨公局 楊昌顯 陳高 牛潤 顏濟 金相 袁致和

馬關縣志 卷伍 緒言 六 雲南德生石印代印

柏超羣

八年戊午歲大飢斗米值錢三四千文難民之不得謀業者道殣相望展轉溝壑死者甚多尸骸狼籍

是年春樂施冲鄉民李自定率數百人入城投効時江那交趾城田心茂克昆盧寺一帶地方皆為賊首盧春田文郎馬位李初等所盤踞知府李榮燦飭自定協同孫健何連順袁致和成天培呂品邱順等連營設守互相攻剽年餘相持不下九年己未歲疫流行人民斃於灾者甚眾加以軍務倥傯征役不息官民交困是年仁和羅洪陣亡於交趾城



十年庚申大風拔木知府李榮燦卒於任所民刑訴訟以幕僚錢子湘代理之

十一年辛酉李自定呂品結為同宗兄弟怪哉與孫健何連順

有隙呂品自城隍孫何舉兵追之進逼木廠林蘭友黃雲樓徐

光彬段志士往說孫孫李罷兵息民是年冬新任知府吳春然

到開接任冬月十八夜初鼓黑霞自西至東長竟天

同治元年壬戌新任知府吳春然與總兵巴哈布不睦文武僚

屬大起衝突城分兩半旗分紅白禍原都司龍在散布謔言

月初八孫健何連順與龍在李自定呂品等同室操戈以城市為戰場總兵率孫健何連順即順周占等佔踞西南二門暨紅

馬關縣志 卷伍 緒言 七 雲南德生石印代印

北二府率李自定龍在賀達呂品等維并勾結城外夷匪佔東

李自定呂品等潰圍出奔吳知府率家口呂品奔回木廠特結

騎牛渡河龍在均波中城危始解呂品奔回木廠特結

竟羽增築營壘高懸白旗特文山難民胡雨潘朝貢韓有夏謙

為之用糾集烏合數千人圍攻仁和匪勢披猖擅作威福於是

孫健孫耀邱順等約會三里頭目統兵前來為民除害藉復私

仇連營三十餘座日夜進攻三十餘日未分勝負迨九月李自

定賀達等率匪千餘覓視馬白進攻別格為圍魏救趙之計以

解木廠之圍四鄉夷民多從白旗連營漸撤時有大汛郭耀宗

者目視生靈塗炭不避危險單騎入李自定營議和通通知紅



白旗各頭目立約休戰各守疆界通商往來和好如初

二年癸亥城鄉街寨崇信神道鸞坛乩語遍地皆是蓋禍亂已

極政府既失勦撫之力蚩蚩之氓禱神以禳災亦無可如何耳

十月仁和做龍沙大會四方來赴會者萬餘人

三年甲子歲飢知府譚元熙到任先是譚府奉委守自定率兵

遠升陣亡時自定駐紮板枝花仍由孫健等對壘知府蒞任後

嘉自定迎護功勳其由孫健等解釋宿怨赴省垣報効國家

城卒以誅死四年乙丑白旗馬位等又款興各處公局按糧派兵以資戰守

每里派兵一千五百名不給薪餉是年阿迷之黃文學翻入紅

馬關縣志

卷伍 緒言

八

雲南德生石印代印

旂調省駐紮石以書來約東里賀達等往勦永北盧春等見省

兵勢盛亦翻然悔悟由激江倒戈歸順漸就太平凡向之悞投

白旂者可將功折罪不咎既往

九年庚午調各府廳州縣生童赴省考試

十二年壬申提兵張保和率師勦竹園田心茂克交趾城等處

賊巢殲厥渠魁次第克復委署關化鎮提兵郵傳無阻地方肅

清民慶昇平矣

黃崇英劉永福之成敗

咸豐初太平天國敗其將吳阿中麾下黃崇英劉永福由粵邊



竄安南崇英據河陽永福據保勝崇英部屢出擾邊至我邑小  
馬白敗賊諒山黨敏政進兵追之崇英自殺光緒十年永福以  
朝命撤回廣東原籍

### 游勇擾邊之原因

總督岑毓英由安南班師裁撤營勇未加安置遂嘯聚滇越邊  
界蹂躪村邑光緒十五六年間匪首黃勝利阮朝忠等尤為猖  
獗邊民苦之都司熊學文往接防務被匪於茅坪截劫而去拘  
於大牛地名搗脛勒贖哨長周天長赴省控訴時謝有功督帶義  
字五營坐視不救督府嚴令申斥有功懼始令黃阮放熊縣十

## 馬關縣志

### 卷伍 雜言

九

雲南德生石印代印

九年游匪党三少麥四等復侵犯都章分統黃忠襄大營失陷  
省委馬維騏來接防大兵進勦游匪不支隨即散去二十年黃  
鳳圖喻昆山等降遂招撫之各委與管帶駐防馬白邊亂始靖  
會匪之患

光緒二十六年綱字前營管帶張慎恭廣西人也其部皆桂籍  
奉文就地遣散有兵目楊三杜二勾結散兵於三轉灣白竹溝  
芭蕉坪等處伺劫行商並立三點會迫鄉民入黨有不入者擇  
肥而噬二十八年四月十七夜會党百餘劫入大坪街居民傳  
元貞家執元貞炮烙閹藏銀兩元貞答在罈中匪爭持炬往查



驗罈中儲火葯燼落爆發塔屋盡燬沿燒居民百餘戶匪死大半血肉狼籍開化鎮蘇掄元派弁往驗計燒斃匪尸四十五具適龍濟光刀佩仁奉委赴廣南初至開蘇即委以勦匪事親率之至馬白秋七月刀佩仁由南歐坡進龍濟光由馬白進項從周由猛洞進三面兜拏會匪潰逸地方粗安

河口之役

光緒三十四年四月初二日革命軍臨河口全滇震恐先是革軍在廣東欽州失敗復克鎮南關不能守乃改省雲南黃克強總指揮命王和順關仁甫何有才黎國英等直趨河口大營

馬關縣志

卷伍 緒言

十

雲南德生石印代印

圍攻三晝夜河口陷落督辦王鎮邦死之革軍乘勝分三路進兵一趨阿白一出蠻耗一破南溪進攻吉林菁出蠻之軍中柯樹勳之詐降計死數十人敗退回是時警耗所至草木皆兵而吉林菁大古廠橋頭街木廠街一帶尤當其衝居民驚惶逃匿遍地悲聲滇督錫良統兵出省駐紮通海秀山委白金柱統邊防軍二十營分頭應付革軍不支放棄河口熊達卿死之白金柱既復河口未數日即染病回至開化鎮衙內遂殂邊防統領職務奏委王正雅接任整頓防務辦理善後統領大營設於馬關謀長遠之計於是呈准錫督建築營壘開辦隨營學堂陶鑄



人才委王暨英為正教官除由各營選派官弁入學外並收錄地方優秀青年一併肄習開辦二年卒業二班王秉鈞左進思李選廷王汝為等咸出於其中厥後王正雅丁憂回籍統領職交開化府賀宗章代理大營移於開化邊地已就安寧防營漸撤統領職權亦無形削減矣



馬關大事記兵畧志之六

辛亥年九月十五日本縣官民響應革命暨旂反正

先是省城於九月九日舉義響應武昌檄電傳來人心皇皇蓋是時縣城尚駐巡防軍一營深慮其反對革命惹起戰事糜爛地方幸管帶張宗靖安平廳修星橋見人心之向往知大勢不可違官民會商決於十五日宣告獨立防營帶李家祐嚴約士兵無令不得出營門國斡改革地方無擾亦云幸矣

民國元年成立縣議事會縣參事會

馬關縣志

卷伍 大事記

雲南德生石印代印

民國三年袁世凱不滿意議會制度縣議事會縣參事會同時取銷

民國七年匪首侯大侯二率匪數百人盤踞西溪酒卡箐攔路行劫掠人勒贖騷擾兩月餘始獲勦平

是年五月侯大弟兄率匪三十餘踞洒卡箐槍劫靈稱有眾六七百時承平久民情習懦聞風震慄知事蔡仲可團首趙桐軒復遇事不能決且為虛聲所駭束手無策坐令不良份子日入匪黨擴張匪勢迨至七月始由駐文山團部請來步兵一連猛洞項國恩亦帶鄉兵百名至官紳又



主守城為是匪見兵至城下其動愈無忌憚分股出擾一  
股出自北區石板溝被鄉民擊退一股至中區仁和街街  
民先有備迎頭痛擊斃匪隊長一匪徒二遂抱頭鼠竄去  
經此二役咸知匪之無能為乃實行進剿鄉兵在前陸軍  
在後將至匪集遠望而不進匪則從容網載徐徐退去匪  
退兵進匪止兵止若送行然數日匪出境事亦遂平

民國八年知事趙荃倡建孔子廟既由地方攤派經費並濫科  
訟案罰金

趙荃藉孔廟為題濫科訟案罰金為數甚鉅撥充廟費者

僅三千餘元而地方攤派之款是否照數繳足該知事亦  
未清算孔廟遂半途停工至今未能完成

民國九年劃西洒疇陽兩區地方成立西疇縣以蟠龍江為界  
初疇陽區紳士與中區紳士為權利之分配積有意見遂  
藉地廣路遠不便治理為辭呈請另成縣治以為民便民  
國七年政府准派一行政委員以理民情細故九年委員  
楊鈞之到任為自身陞官計托有力者在省進說竟蒙批  
准正式成縣催定畝址裁馬關紳民咸不贊成力爭無效  
劃一縣為兩縣以蟠龍江為界人民負擔從此加倍矣



秋七月知事丁時俊納賄縱賭免職解省究辦  
十年顧品珍主省政恢復縣議事會

十一年駐文山統帶向文甲將馬關團槍七百餘枝及彈藥完  
全提去地方從此失自衛能力

馬關地處極邊國防攸關故地方治安尤為重要清代官  
吏每能酌留槍械以備不虞光緒三十四年統領王正雅  
留九响毛瑟二百枝湖北槍一百枝尤較精利地方獲十  
數年之太平識者每歸功於此自向文甲駐文山日謀擴  
充個人勢力偵悉馬關有此自衛團槍即派隊來縣提取

國防民生毫不置意知事曹楨復奉命惟謹將縣槍盡量  
搜索全數奉獻人民請留少數亦不允准從此地方失自  
衛能力盜匪漸興人民束手受其騷擾而已

十二年周東魯委趙光華潘光耀為募兵團長於縣城設團部  
省府不予承認令就地解散

先是楊必昌自黔省隸自稱奉唐督辦繼禹令回滇募兵  
遂委周東魯為募兵司令周到縣復委趙潘兩團長設部  
募兵兵漸集糧秣無着向縣署商籌知事不能決電省請  
示省府不承認有募兵事勒令即解散



十二月知事王履和非法拘打縣議事會議長潘文彬  
監獄犯人以知事扣減囚糧具願書於縣議會潘因向知  
事質問言語未免抵觸知事遂濫用權威將潘杖責數百  
復非法監禁第三日潘始獲出獄到省起訴王知事被調  
離任去

十三年廖子清林松生李選志等劫麻栗坡督辦署敗宰換縣  
調周星康為勦匪隊長獲林松生誅之

督辦署科員林松生年少野心蓄異志而廖子清勾結道  
馬關募兵團解散營長李選志等正無所歸乃率眾往聯

馬關縣志

卷伍 大事記

四

雲南德生石印代印

合襲佔督辦署各屬鄉兵多往救援匪勢不支軍入我南  
辰聯合黃業興嘯聚愈眾有窺縣城之意官紳無良策或  
荐周星康有勇略乃調為勦匪隊長率鄉兵與匪戰一敗  
匪於董亮再敗匪於古林菁獲林松生誅縣正法周遂駐  
縣漸驕恣干庶政圍首趙光鼎不能制以佞職讓之

十四年六飢斗米值銀十八元草根樹皮掘剝殆盡設救荒會  
辦理賬務李相邦為正會長左進思為副會長

是年奇荒為百年所未見飢民以充食物之草根木寔類  
達數十種之多掘剝殆盡流亡已多地方慈善君子乃捐



貲成立救荒會糶平價米以賑次貧施粥飯以救極貧共  
用谷米三百餘石在其不足者乃賻越米以足之共用慈  
善捐款七千餘元

七月十日匪首龍保光王世珍率烏合數千人來攻縣城知事  
徐漢章圍首周星康棄城逃逸匪入城有燒房劫貨事旋亦  
制止匪踞城十日張王兩圍來擊走之委伍玉成代理知事  
十九團長李荷生來辦善後

是年王世珍由粵解職十六團長縣或惡周星康之橫暴也擬  
以王代其團首周深嫉之適有夷匪款改惡縣善具投誠

馬關縣志

卷伍 大事記

五

雲南德生石印代印

書請王為之轉達縣府王以地方治亂關係未能拒絕乃  
携原書到縣請官紳公同討論應否容納亦經表決許可  
周乃藉此為題使知事鄧紹湘呈報省府謂王由粵方來  
負有重要使命已在縣招匪若干將不利於滇局詞連縣  
議長李家桃鄉紳李相邦省令駐文山司令向文甲究辦  
向派兵一營來將王世珍李家桃捕去未幾范石坐香滇  
兵至二塘軍情緊急王李獲聞逃縣適龍保光率匪百餘  
至鄉間稱係張開儒委任軍長并携有張之布告約王共  
舉事李家桃駭慰逃之首王心切報恨周計利害遂與龍



聯合以殺周為號召不暮而集者數千人皆有怨毒于周者也先期周以偵悉情形日夜與新知事徐漢章籌應付策城紳未得與聞征調鄉兵四五百駐城防衛亦甚嚴密七月十日拂曉匪眾至將縣城包圍鄉兵與戰不利城紳見鄉兵應戰失宜乃往見徐知事請舉一鄉兵指揮官俾收應敵之效知事不許且謂大家請放心有予與周圍首在可保無虞也午前十時周率隊敗逃鄧徐兩知事跟周馬尾行鄉兵無主潰散去迺遂長驅入破縣獄焚檔案燒房掠物幸天忽大雨沿燒未多王世珍親覺二匪於市搶

亦遂止但眾匪駐城供應需索茫無頭緒情形險惡民衆公推左進思籌攝縣事左不敢承王世珍亦以義責之曰兄平時言輒以地方為重今當危急乃坐視耶左始允代表人民與匪周旋故始終不入縣署不理縣政也十六日龍匪索款未滿望不索於左而直索於民每戶由數千以至數萬人民接令皆震恐無人色當飢饉焚掠之餘猶復搜羅供億民力早竭何能再籌巨款惟敲餓隸悲泣求憐待死而已十九日匪已知有軍隊來龍保光率眾離城去二十日王世珍回馬洒工兵第二團長王蘭階步兵三十六



團長張培金率部至敗匪於梅子箐匪潰逃民眾迎張王  
兩團入城委工兵團編修官伍玉成代理縣知事初從匪  
者多夷族當匪勢盛時不無凌侮漢人事至是匪勢滅漢  
人亦不免起報復行動夷族無辜被殺者甚眾張王兩團  
長觀此情形深慮仇怨糾結之無底止也乃定撫夷安漢  
辦法期免後日禍患心至仁而策至善也旅省同鄉關懷  
桑梓尤恐處理未善乃請于上憲派十九團長李荷生來  
代張王辦理善後荷生本係人仁愛桑梓倍愈週至成立  
善後處集合城鄉紳耆公開辦理上條續安撫策略准各匪  
繳械投誠王世珍未能照限繳械畏罪率黨逃遁

馬關縣志

卷伍 大事記

七

雲南德生石印代印

又發生圍攻廣南之事

十五年三月匪首張家興隔西疇遠恐嚇函來縣知事伍玉成  
恐惶出走匪潰民復迎之縣任

匪首張家興胡崇伯張澤等既佔踞西疇聲勢頗大來函  
恐嚇謂必派隊來縣倘或抗拒則必屠殺無赦官紳會商  
應付乃派任永安陳文富二人前往名為代表實為偵探  
二人昧謂匪勢果大倘若籌給款費二萬元大隊可不來  
公決一面備款一面再看情形應付是日有西疇難民五



六人逃至縣稱匪隊有向我縣移動之勢知事伍王成尤加驚恐乃留函出走至猛洞五日後張匪敗潰民眾尋伍所在迎請縣任伍氏原函附錄於後

現因西疇匪勢節節進逼旦晚即到馬關目前既無抵抗能力本縣長嫌疑所關又不能表示歡迎一再斟酌一籌莫展假不稍出权变必臨西疇覆轍與其坐地受危何如稍事退讓免因個人關係致使地方重受蹂躪撫躬自問情何以堪語云社稷為重君為輕一國尚且如此何況區區一縣乎務望執事等向機維持不使人民再受塗炭如能奮雨重來當亦為之心慰區區苦衷諒邀鑒照

十六年本省二六政變縣議事會復取消

秋八月王汝為據文山稱師長文馬西三縣秀民爭先附和是年政變後权势漸分裂開廣善後督辦署參謀長王汝為遂就督辦署留守之人員武器改稱為師文馬西三縣土豪土匪皆為重要軍職周星康王世珍宋伯郊等為梯團長就地給養民力凋敝

秋九月王汝為族其兄王秉鈞為關縣長錢守中被擊斃



王汝為既大委土匪不能駕馭乃請其兄王秉鈞到文商辦法秉鈞以為師之範圍小不足以容眾改稱自衛軍自為軍長擬將各隊實行併編以便統馭汝為恐不利于己以永不改編之承諾得各隊之擁護遂派隊將秉鈞押送至江那山野間槍殺之投尸于山嗣假稱軍長赴粵當代表去矣馬關縣長錢守中性貪暴被擊办解師部究辦馬關縣政府行委員制趙桐軒為主任錢守中既擊辦縣政無主王汝為令改為委員制由地方推舉委員組織之趙桐軒被推為主任委員

馬關縣志

卷伍

九

雲南德生石印代印

十月十九日周廖衝突人民遭殃

周星康駐東關大營廖子清西關大營二人修宿怨不並立地方人士乞求和平双方奔走所以哀懇之方已窮卒無效果十六日和議破裂黎党圍周營三日不下十九日周援兵至黎党不支解圍去周部搶掠縣市二百餘家燒填地松毛寨木都底小馬白四寨人民遭劫損失甚巨何連玉為縣長委員制取銷

周廖衝突縣府委員及各紳士多避難出走王汝為委何連玉來任縣長委員制無形取消何接任惟駐隊之意旨



是遵以剝民為務

王汝為受三面師長委任

王自弒先後於部屬行動益放任自由不良分子更樂于附和聲勢日盛三十六梯團七十二支隊之名震動遠邇除省府委以第六師師長外范石生張汝驥兩處均有師長委狀送來王並受之文馬西三縣良民除遵令推派糧秣外並受駐地各隊之蹂躪擣剝慘苦冤抑無處申告十七年三月宋聯元嚇走王汝為周星康接收師部

王師內部時有衝突王不能行賞罰漸為部下所輕視日

馬關縣志

卷伍 大事記

十

雲南德生石印代印

弄之以為戮早失首領之望眾謀倒之三月某日駐馬塘之宋聯元忽由電話嚇王曰省軍已出蒙自向開化進勦師長不速走恐難脫險矣王擬緩日行宋謂緩必有禍非敢負責王倉卒率師部人員警衛連孛生隊等五百餘人深夜出走次日三車復脫部眾單騎逃去其恭謀長張敬愚將士兵武器馬匹交周星康接收師之名自此消滅各地駐隊仍在民之難猶未已也

四月李增輝宋聯元偕至馬白旋復援隊去

王汝為既走李增輝宋聯元即入踞文山城以師部棍斃



槍械為匹弄隸者周部皆歆染措遂共率隊至馬白郊外  
周甚強硬不許一兵入市否則決一戰李宋見不易取相  
將率隊即日去

秋七月李紹忠至馬白周星康回瓦渣

初李紹忠駐路南作惡已極怨毒既深人民將拚命驅逐  
之李知不走不了乃向省府求得元武邊防司令委任元  
武人聞風拒絕李行抵阿迷進退維谷適文山各隊相爭  
併王恩隆任衡之胡崇伯萬保初等往阿勻結李遂來文  
山至馬白周星康恐不相容率隊回南區瓦渣李委周為  
游擊大隊長胡任各隊駐仁和漸不容於李各率隊他去  
遍地駐匪居民時慮不測之禍至於供應追此且視為應  
受之苦矣

冬十月李紹忠奉省令拔隊去趙桐軒為團首設團防四大隊  
并調王恩隆來拒周星康十一月十五日周至城王逃圍隊散

先是李紹忠將去以馬關地盤交周星康結最後之情感  
惟我地方歷受雜軍之蹂躪苦痛至為深切李既去民眾  
乃亟謀自保之法擬成團隊以拒周圍首趙桐軒誇大而  
無計畫竟成立團防四大隊兵而械均無法召集周通函



來接防趙見亟失措求助於北區團首王鳳珍王使其子  
恩隆來人民以為引狼拒虎非良策趙復拒王王不服恃  
強入城知事武丕謨通于周星夜調周來城王恩隆聞風  
逃去團隊無形消滅地方未脫愁苦

十八年收賄捐貨賦捐作周部給養

周部駐城按戶派糧秣日久民不能堪遂抽收貨賦捐賂  
捐以作周部給養然貨捐不過增加物價賄則為盜匪之  
製造場飲鳩止渴為害更烈

四月周部在八寨因收賦捐與宋部衝突燒民房數十家

馬關縣志

卷伍 大事記

十三

雲南德生石印代印

周部陳捷齋龍恩棟駐八寨收賦捐頗見苛擾人民往訴  
於文山宋聯元宋激金朝棟來視查遂與周部衝突周部  
敗遷怒于民遂縱火焚民房沿燒數十家

五月周部復往八寨宋部側出大栗樹知事武丕謨親往議和  
至中途不敢進派代表常心一唐根培往宋部接洽周部乘  
隙襲攻常被拘辱唐逃脫

陳捷齋等敗回馬白周大恨怒復派孟香泉帶隊往恢復  
權勢詎孟至八寨宋部得息即由側面出踞大栗樹斷周  
聯絡并言必至馬白武周均驚恐乃決往議和知事鼓舞



親行至觀音岩不敢進命團首唐根培代表常心一往大  
栗樹接洽正談商間周部適自八寨來不問情由大施攻  
擊唐見事已破裂乘隙逃歸常被宋部楊隊長擄去備受  
刑毒除損失衣物乘馬外並另獻金錢若干始獲釋歸  
十一月省府委曹仁恭為文馬西三縣聯合團團長在文山就  
職李紹忠復來文城勢難共處宋部回西疇曹團移平堪再  
移八寨

文馬西三縣旅省人士痛桑梓頻年受雜軍之蹂躪乃公  
推曹仁恭為聯合團團長呈請省府委任莫能聯團自衛  
詎團部甫設李隊已至三縣代表會議對付方法文山父  
老以不抵抗為良策宋意態甚軟遂表決退讓宋回西疇  
曹移平堪復移至八寨希首發展

韭菜坪儂匪龍東叔龍廷弼等率匪徒數百人攻仁和鄉兵與  
緝私隊共擊破之

匪首龍東權等以捆人勒贖殺人越貨為務積有多年知  
情者因敢出其途前緝私大隊長楊恩斗仇慘死於彼匪  
之手是月緝私隊火夫下鄉買米被匪捆至韭菜坪命已  
危殆亦有畏事者謂不宜與軍隊結仇始獲釋歸時自匪



盧有采至仁和為大夫認識遂捕之入營匪黨營救無效  
竟大集匪徒乘周氏送殯之時襲攻仁和耕者楊某發見  
匪隊行動乃將牛索割斷偽為追牛也者死報入街幸得  
備禦攻戰經四小時卒將匪擊退是役陣亡緝私兵一名  
傷民兵二名次日鄉兵隊長黃傳銘率鄉兵千餘往援匪  
巢破匪眾散民眾呈請將匪產沒收以辦地方公益鋤惡  
根而做不良奉省令批准執行

十九年一月共匪李國定倡亂於西區鄉愚有盲從者曹仁恭  
勦平之

頻年多故人民疲於捐輸曹駐八寨一切施為既未諒人  
民困苦亦不商取地方官紳同意以張正斌等雜隊為瓜  
牙民尤怨苦共匪李國定利此枕勢宣稱入其黨者一切  
租稅捐輸均得免除鄉愚無知有受其惑而盲從者曹至  
保摩正計盡勦辦李國定已率鄉愚數百圍曹於保摩踞  
山喊噪者三日夜曹調鄉兵至共匪即潰逃株連十數村  
寨殺掠甚慘亦浩劫也

三月曹仁恭往大吉廠遊宴歸途遇匪被害

剿共後曹之怨敵愈眾乃不自謹慎輕騎往大吉廠張正



斌家作無謂之宴遊留三日始隸匪得從容設伏以待將  
至險處復與護弁分道行匪竅無衛護曾死匪逸至今懸  
案未破

五月王樹藩稱梯團長率張正斌蕭宝珩金朝棟等至八寨以  
募兵出桂為名向地方派糧秣縣長芮虞舜不許可未幾自  
行解散

初滇軍出桂兵額多缺不易補充各將領迺利用地方稍  
有虛名之士方為之招募所以梯團支隊委狀發給最易  
豈料一兵之補充未得實投敗類以魚肉人民之護符至

馬關縣志

卷伍 大事記

廿五

雲南德生石印代印

樹藩既獲梯團委狀即率張蕭金各隊到八寨該部令地  
方派糧派兵派械團首袁漢良呈報到縣縣長芮虞舜以  
為此種辦法未奉省令不許照辦以蘇民困三部蕭寶朝  
至木廠派糧款帛打保董縣長得報忿極令照土匪辦理  
蕭畏逃去王部既缺糧已無辦法張金輩復驕恣不听的  
束王借故脫離八寨各隊無首亦自散去

六月張正斌聚眾擾民縣長芮虞舜親率鄉團往勦斬匪首龍  
秉權於大樹塘

王樹藩部既散張正斌猶聚百餘人于大吉廠勒派附近



村鄉糧款縣長得報即即團隊并調鄉兵親往勦辦張匪不支率黨逃逸大樹塘保董楊正才奉縣長令誘斬匪首龍秉權傳首仁和示衆

八月李子石張正斌等冒充軍隊至八寨將團首袁漢良網去鄉團援救不及繳款贖回

駐文逃兵李子石勾結張正斌金朝甫等率隊至八寨冒充營長來辦要索張正斌則密伏營部諸團首袁漢良會商即被扣留縣府聞報調團往剿李張不支相圍首逃去團隊跟追不及後團首願繳款贖命匪黨為爭款不睦將

馬關縣志

卷伍 大事記

十六 雲南德生石印代印

金朝甫第元殺斃袁始獲贖贖

十月出桂大軍回滇延治盜匪雜軍懷恩各率黨遠避去縣政府始獲謀治安申賭禁

初各雜軍藉口出桂蜂聚各縣迨大軍行後雜軍承不出發蟠踞騷擾奪併吞人民不堪其苦李紹忠欲併金朝棟則合周星康部出底泥八寨一帶兵張國治為爭地盤則與李紹忠在文山城作巷戰吳幸大軍回滇清勦盜匪李紹忠聞風遠避張國治一戰授首周星康亦離馬白縣政府始獲謀治理申賭禁盜匪漸消地方漸寧